

## CAPUT XIV.

LAUDEM VIRTUTIS IN ACTIONE CONSISTERE. ACTUS  
DIVERSARUM VIRTUTUM.

Norunt omnes, qui vel primis Philosophiae rudimentis imbuti sunt, omnem vim, et laudem virtutis in actione sitam esse. Habitus enim virtutum, sive à Deo infundantur, sive acquirantur à nobis, data opportunitate in opus exire debent : et hoc est pri- marium eorum munus, bonae actionis principium, et fontem esse ; et potentiam, quam imbuunt, dis- ponere ad hoc, ut certius, et facilius operetur. Causa exigui profectus in vita spirituali, non defec- tus cognitionis aut desiderii, sed defectus execu- tionis esse solet. Aliud est scire multas divitias, aliud possidere : nec notitia divitem facit, sed pos- sessio. Actiones autem, quibus unaquaque virtus aut generatur, aut crescit, duplices sunt : internæ, et externæ. De externis non est hic disserendi locus, nec earum usus semper occurrit. Internæ perfectiores sunt, solaque mente et voluntate per- ficiuntur, et ideo his incumbere possumus omniloco, omni tempore, et in qualibet occasione. Sunt qui unam virtutem singulis mensibus seligunt; cui ex professo incumbant, instituto ea de re examine par- ticulari, quæ res necessaria omnino est proficere in studio perfectionis desiderantibus, ut fusi ex- plicavi in meo Horologio Christianæ diei (1). Scrip-

(1) In meo Horologio Christianæ diei cap. II, § 8, et cap. IV, § 2.

sit etiam de virtutis actionibus luctulentissimum tra- c-tatum ex Scripturis et Patribus Bernardinus Rossi- gnolius, quem Lectori meo enixè commendo. Ego interim in exemplum actus subjicio præcipuarum virtutum per breves Aspirationes ferventissimè eliciendos : qui modus servari quoque potest in re- liquarum actibus, ad usum et proxim quidianam describendis.

## ACTUS FIDEI.

4. Auctor fidei, Jesu Christe, firmissimè cre- do vera esse omnia, quæ te revelante credit, et docet sancta mater Ecclesia, et pro hac assertione et veritate millies mori paratus sum.
2. Auge in me fidem à te semel infusam, vitam- que fidei consonam concede, ut, quod mente credo, moribus exprimam.
3. Testimonia tua, Domine, credibilia facta sunt nimis, utinam secundum ea semper vixisset.
4. Verissima sunt omnia, quæ in sacris libris, et Apostolicis traditionibus, ac decretis Ecclesiæ con- tinentur : pro qua veritate tuenda vitam meam li- bentissime offero.
5. Omnipotè verum est, te Deum meum unum esse in substantia, et Trinitatem in personis : quod ego per medios gladios, et ignes profitebor.
6. Utinam fides tua integra semper, et sincera conserveretur, qualem tu, Domine, tradidisti, qualem Apostoli praedicaverunt.
7. Credo tibi, ô summa veritas, et quia fides sine ope- ribus mortua est, da mihi, ut fidem meam patientiâ et charitate, aliusque virtutibus vivam esse demonstrem.

8. Gratias ago tibi, Domine, quod mihi fidem dederis, qua te cognoscerem, quod me Christianum feceris, et Catholicæ Ecclesiæ membrum. In hac fide vixi, in eadem mori volo, atque utinam pro eadem.

9. Credo te Deum ingenitum, Filium unigenitum, Spiritum sanctum ab utroque procedentem. O credam, et fruar semper, quia tu Deus meus es, principium meum, et finis ultimus, et mea æterna beatitudine.

10. Credo te Dei Filium pro mea salute carnem humanam induisse. Credo te passum pro me, et mortuum in cruce. Credo te Deum, et hominem in sacramento mirabiliter existere. Credo hec omnia, et alia, quæ de te docet Ecclesia, et credens adoro, et amo te.

11. Revela, Domine, oculos meos, et considerabo mirabilia de lege tuâ. Quam dulcia fauibus meis eloquia tua : semper mel ori meo.

12. O si fidem possem annunciare in universo mundo, et omnes infideles ad Deum convertere, quam libenter id facerem, et si propterea omnia tormenta sustinere deberem.

13. Utinam possem, Deus meus, omnium infidei intellectibus in te credere, omnium affectu te amare, omnium viribus tibi servire!

14. Discedite à me omnes pessimi haeretici, filii diaboli, et pestes animarum : vos detestor, et abominor, et cum Ecclesia Dei anathematizo.

15. Quæcumque docet fides, adeò firmiter credo, ac si oculis ea viderem. Adauge, Domine, et confirma fidem meam : hac enim duce securus ibo ad

tribunal tuum, quacumque horâ me vocaveris, quia credo et spero videre bona tua in terra viventium.

## ACTUS SPIRITUS.

1. Clementissime Deus, tametsi multa et gravissima peccata commiserim, spero tamen ex tua misericordia, et ex bonis operibus gratiae tuæ adjutorio præstitis me gloriâ sempiternâ fructurum.

2. Et si reus esse omnia peccatorum mundi, tamen in te sperabo; major est enim misericordia tua, quam iniquitas mea.

3. Gaudeo, Domine, nihil in me esse, in quo confidere possim : laetor quod nullibi spes mea consistere queat, nisi in te, qui solus es refugium meum, et firmamentum meum.

4. Dixisti, Domine, et ita est : Sine me nihil potestis facere : quid ergo residui habeo, nisi ut oculos ad te dirigam, et tu, ô bonitas, adjuves me?

5. Adjutor meus esto, ne derelinquas me, neque despicias me, Deus salutaris meus. Tanquam prodigium factus sum multis, et tu adjutor fortis.

6. Ad te configlio, Domine, ut per patientiam, et consolationem Scripturarum spem habeam, et in te sperans non confundar.

7. Omnis spes mea, optime Jesu, et totius fiduciae certitudo in pretioso sanguine tuo mihi est. In ipso respiro, et in ipso confisus ad te pervenire desidero, non habens meam justitiam, sed eam quæ est ex te.

8. Quidquid asperum et molestum mihi evenire permiserit divina providentia tua, benignissime

Pater, semper in te sperabo : certus enim sum,  
quia si in inferno demersus fuero, inde me liberabis.

9. Magna valde est misericordia tua, Domine, et  
in ea sola posita est tota spes, et consolatio mea.

10. Mirifica misericordias tuas, qui salvos facis  
sperantes in te : custodi me ut pupillam oculi, sub  
umbra alarum tuarum protege me.

11. Bonum est confidere in Domino, quām con-  
fidere in homine : bonum est sperare in Domino,  
quām sperare in principibus.

12. Domine virtutum, beatus homo qui sperat  
in te. In te eripiar à tentatione, et in Deo meo  
transgrediar murum.

13. Toto corde firmissimè spero, omnipotens  
Deus, me posse à te omnia obtainere, quae mihi ne-  
cessaria sunt ad salutem : et quia Filius tuus, Re-  
demptor meus, omnia bona mihi promeruit, tantam  
in eis meritis fiduciam habeo, ac si bonum, quod  
desidero, jam tenerem, et possiderem.

14. Ego autem in te speravi, Domine : dixi, Deus  
meus es tu, in manibus tuis sortes meæ.

15. O si citò adveniret regnum tuum, summum  
bonum meum, regnum quod spero, quod expecto,  
quod toto corde concupisco ! Utinam citò adve-  
niat, quia regnum omnium sacerdorum est, plena  
possessio totius felicitatis.

ACTUS CHARITATIS ERGA DEUM.

1. Oro te, dulcissime Deus, ut cordis mei principa-  
tum geras. Absit à me, optatissimum bonum meum,  
ut aliiquid amem præter te.

2. Ure me incendio decoris tui, speciosissime  
princeps cordis mei : sacrifico tibi omnia viscera  
mea, et præcordia mea.

3. Vive, potentissime Imperator cordis mei, et  
dominare, sicut decet te. O quām mihi placet, ut  
regnes in æternum et ultra.

4. Utinam tot millia cordium quot tibi placuerunt,  
vel placere possunt, ipse possiderem, ut te perfec-  
tissimè amarem.

5. Utinam subdere tibi possem, amabilissime Do-  
mine, omnia colla filiorum Adæ, ut te solum requi-  
rerent, et amarent.

6. O vince, amor meus, et serena lux oculorum  
meorum, omnia mihi sordeant, et vilescent præ-  
ter te.

7. O amabile principium meum, et tota sufficien-  
tia mea, nihil volo, nihil cupio præter te.

8. O quantum gadeo quod Deus sis, summè ho-  
nus et perfectus, immensus, infinitus, justissimus,  
sapientissimus, omnipotens, et incomprehensibilis !  
Amo te purè propter te ipsum, et gadeo de ho-  
nis tuis ob hanc solam causam, quia bona tua sunt.

9. Ad te summum bonum toto cordis affectu fer-  
ror, in immensa bonitate tua exulto : gadeo, quòd  
omnes Angeli et Sancti adorent et laudent te.

10. Utinam possem amare te, quantum amabilis  
es ? sed quia hoc excedit vires omnium creatura-  
rum, utinam saltem amem te, quantum possum,  
quantum debo.

11. Reple, Deus meus, animam meam amore tuo,  
ut amore totus ardeam, et amore æstuans, amore  
moriar.

12. Quām p̄oēnit me, quōd alia extrā te dilexi.  
Utinam possem transactos annos revocare, et amo-  
ris tui actibus replere!

13. O dulcissima vita animæ meæ, utinam defi-  
ciat in te cor meum. Quid enim mihi est in cœlo? et  
ā te quid volui super terram?

14. Unam petii à te, Domine, hanc requiram,  
ut inhabitem in domo tua omnibus diebus vitæ meæ.

15. Utinam ultimus halitus, quo animam efflabo,  
halitus amoris sit, moriar amore tuo, Deus meus, et  
quia vitam ab amore non inchoavi, da mihi vitam  
amando finire. Ultimus vitæ actus sit amare.

## ACTUS CHARITATIS ERGA PROXIMUM.

1. Insere, Domine, pectoribus nostris tuæ dilec-  
tionis affectum, ut diligamus nos invicem, sicut tu  
diligis nos, et alter alterius onera portemus.

2. Da mihi, Domine, non diligere verbo, neque  
lingua, sed opere et veritate, ut, quaecumque volo  
ut faciant mihi homines, id faciam illis.

3. Doleo, Deus meus, quōd ea hactenus non  
prestisti in obsequium proximi mei, quæ tuo auxilio  
adjudicata poteram.

4. Detestor quidquid injuriæ et offensæ olim  
patravi verbo, opere, et cogitatione in proximum  
meum, paratus singulis satisfacere; si quid alicui  
debeo. Inspira tu Deus, ut sciam; et da, ut fa-  
ciam.

5. Amator hominum Deus, oro te pro omnibus,  
qui persequuntur, et calumniantur me, et qui me  
quovis modo offenderunt. Da illis salutem mentis,  
et corporis.

6. Utinam, clementissime Deus, omnes peccato-  
res resipiscant, et convertantur ad te.

7. Obsecro, Domine, ut omnes, qui oppugnant  
Ecclesiam tuam, dexteræ tuæ potentia conteran-  
tur, et agnoscent veritatem.

8. Propono, Domine, omnes injurias et offensas,  
te adjuvant, æquo animo tolerare: nec ullum un-  
quam hominem, quantumvis mihi infestum, odio  
habebo.

9. O si possem pro fratribus meis, iis præsertim,  
qui me aliqua injuria, aut molestia affecerunt, san-  
guinem fundere, quām libenter id facerem. Confir-  
ma, Domine, in me hanc voluntatem.

10. Fac, obsecro, Deus meus, per viscera miseri-  
cordiæ tuæ, ut omnes ad te convertantur, qui re-  
bus terrenis adhærent, et quos voluptas carnis il-  
lexit.

11. O si ego possem omnes peccatores ab erro-  
ribus vitæ suæ convertere, etiam cum vitæ dispen-  
dio id præstarem.

12. Utinam totus mundus in te crederet, et te  
cognosceret. Confiteantur tibi populi Deus, confi-  
teantur tibi populi omnes. Omnis terra adoret te, et  
psallat tibi.

13. Diligo te, Domine, toto corde, et proximum  
in te, et propter te.

14. De bonis omnium fratrum meorum gaudeo,  
et de malis doleo, ac si mea forent: et mala quidem  
ab omnibus avertere efficaciter vellem, si possem,  
bona vero multiplicare.

15. Libenter, si possem, omnium indigentium  
necessitatibus subvenire, esurientibus cibum, si-

tientibus potum darem ; reliqua item opera misericordiae spiritualia et corporalia exercerem.

## ACTUS PATIENTIE.

1. Si oportuit te, Christe, pati, et ita intrare in gloriam tuam, quo pacto ego in illam intrabo, nisi via regia Sanctae Crucis.

2. Cognovi, Domine, quia æquitas judicia tua, et in veritate tua humiliasti me.

3. Opto potius cunctos inferni cruciatus tolerare, quam tuam justitiam violare.

4. Iram tuam, Domine, portabo, quoniam peccavi tibi. Quod si bona suscepi de manu tua, quare mala non sustinebo ?

5. In omni adversitate te, bone Jesu, recogitabo, quia talem pro me sustinuisti adversus temetipsum contradictionem.

6. Utinam dignus sim gaudenter cum Apostolis tuis contumeliam, pauperiem, et quidquid volueris, pati pro nomine tuo.

7. Quidquid laboris mihi unquam acciderit, id propter te, Domine, patienter feram. Si tentationibus exercear ; si mœror importunus ingruat, si morbi, si dolores, si quævis tormenta contingant, omnia te juvante fortiter tolerabo.

8. Absit à me, Domine, ut animum despondeam à christianâ perfectione comparandâ : omnes enim difficultates, te duce, superabo, et in Deo meo transgrediar murum.

9. Absit à me, ut amore vitæ, vel timore mortis à virtutis proposito desistam. Et si me oporteret

## VIA COMPENDII AD DEUM.

## 439

universis mundi miseriis, et calamitatibus obrui, nunquam à te recedam.

10. Imprime, fortissime Deus, robur magnum cordi meo ; cupio enim te sequi per omnem afflictionem, et desolationem internam, et externam.

11. Ut jumentum factus sum apud te, Domine Deus meus : Tu nōsti onus meum, quale sit ; da mihi illud patienter ferre, ut per viam crucis extollar ad te.

12. Offero me tibi, Domine, paratum ad omnia mala æquanimiter, hilariter, ac sine ulla prorsus querimonia sustinenda.

13. O si patientiam Sancti Job assequi possem, et constantiam Sanctorum Martyrum !

14. Utinam dignus essem, martyrum pro te subire, Domine virtus mea, et firmamentum meum. Utinam pro te vivus comburerer : utinam assari cum Laurentio mererer !

15. Da mihi, Domine, disciplinam, ut non auferas misericordiam ; cæde contumacem, ut reddas mihi promissam hæreditatem. Auge tormenta, sed auga patientiam.

## ACTUS HUMILITATIS.

1. O gemma pretiosissima humilitas, quando te possidebo ? quando tranquillitatem animorum tibi obsequentium habebò ? quando tuo splendore, et pulchritudine ornatus ero ?

2. Noverim te, noverim me, Deus meus : quoniam in te sunt omnia bona mea, et ex me nihil sum.

3. Hoc ex corde desidero, bone Jesu, hoc eligo,

abjectus esse, et pusillus in domo tua, magis quam  
habitare in tabernaculis peccatorum.

4. Nolo, Domine, ut me homines laudent, et honorent, quia omni laude et honore indignissimus sum : volo autem ad gloriam tuam despici, conculcari, et tanquam canis mortuus vilissimus reputari.

5. Latrones ipsi et sacrilegi, ô misericordissime Domine, perfectius tibi famularentur, si tot beneficiis, ac donis eos cumulasses, quibus me benignissimè affecisti.

6. Peccavi, Domine, et non sum dignus aspicere altitudinem Coeli præ multitudine iniquitatum meorum.

7. Omnia animalia pro captu suo tibi, Domine, appropinquant; solus ego infinita vitæ meæ turpitudine à te recedo.

8. Unde mihi hæc insania, Deus meus, ut audeam gloriari tot peccatorum reus, ob quæ potes hoc momento mittere me in gehennam?

9. Abjicio me, Domine, propter te infrà homines universos, quia vilior, et contemptibilior omnibus sum, et pro tali haberi ac tractari desidero.

10. Nihil aliud volo, nihil opto, altissime Deus, nisi pati, et contemni pro te ; da mihi claram et veram mei notitiam.

11. Indignus sum, Domine, omnibus donis tuis, ob vilitatem, et ingratitudinem meam : indignus consortio hominum, propter sordes culparum mearum, quarum pessima tabe vel aërem ipsum inficio.

12. Utinam universi homines, æquissime Deus, miseriam meam agnoscerent, et despicerent me, ac

meam mihi indignitatem exprobrarent, ut spernerer propter te.

13. Domine, non sum dignus calcare hoc pavimentum, per quod transeunt tot servi tui, quibus comparatus vermis sum, et non homo, opprobrium hominum, et abjectio plebis.

14. Absit à me, Domine, ut velim ambulare in magnis, et in mirabilibus super me. Magna enim est abyssus fragilitatis, et nihili mei : nihil sum, nihil possum sine te.

15. Fac me, Deus, tanquam pavimentum mundi, ut ab omnibus conculcer, et indignissimè tracter, quia sic exigunt peccata mea.

## CAPUT XV.

FASCICULUS ASPIRATIONUM AD JESUM, AD B. VIRGINEM,  
AD COELITES UNIVERSOS.

Tametsi oratio, ut est actus Religionis, cultum latræ continens, ad solum Deum fundenda sit, tanquam ad primarium auctorem boni, qui illud per seipsum nobis conferre potest, certum est tamen ex fide catholicâ, posse nos, et debere Angelos etiam, et sanctos homines cum Deo regnantes humiliter exorare, opemque illorum devotis aspirationibus implorare : Licet enim Christus sit principium universale totius meriti, mediator Dei et hominum, qui semper interpellat pro nobis ; aliis tamen mediatoribus indigemus, qui pro nostris necessitatibus

efficaciter intercedant. Notissima est sententia Eliphaz Themanitis ad patientissimum Job: *Voca ergo, si est qui tibi respondeat, et ad aliquem Sanctorum convertere* (1). Ideò pretium me facturum existimavi, si huic lucubrationi caput istud attexerem, quo varias aspirationes breviter digessi ad Jesum Redemptorem, à quo primitus omnia bona speranda, tum ad Virginem Beatissinam ejus genitricem, deinde ad Angelos, et reliquos Cives cœlestis patriæ, ut ipsi nobis quidquid ad salutem, et perfectionem necessarium est, suis precibus obtineant, pro sua in nos pietate, et apud Deum auctoritate.

## AD JESUM REDEMPTOREM.

1. Jesu sapientia Patris, da mihi quærere et sapere, quæ sursum sunt, ut gustem quam suavis es.
2. Jesu verbum Patris, utinam audiam quid loquaris in me.
3. Jesu Redemptor, esto mihi in Deum protectorem, et in domum refugii, ut salvum me facias.
4. Jesu frater primogenite, fac me tibi cohædem in domo Patris nostri.
5. Jesu Fili Dei, qui pro me factus es homo, non sit mihi grave humiliari pro te.
6. Jesu creator meus, cor mundum in me crea, et spiritum rectum innova in visceribus meis.
7. Jesu vita mea, tibi soli vivat anima mea, nam mihi vivere tu es, et mori lucrum.
8. Jesu Domine mi, posside me servum tuum, et nemo praeter te.
9. Jesu preceptor, doce me facere voluntatem

(1) Job, v. 1.

tuam, ut discam à te quia mitis es, et humilis corde.

10. Jesu lux mundi, illumina oculos meos, et deduc me in semitam mandatorum tuorum.

11. Jesu fons vitæ, sitivit in te anima mea : fac me haurire aquas in gaudio de fontibus tuis.

12. Jesu pastor bone, propter nomen tuum deduces me, et enutries me.

13. Jesu Salvator, salva me, qui venisti quærere, et salvum facere quod perierat.

14. Jesu sponse sanguinum, desponsa te mihi in misericordia, et miserationibus.

15. Jesu amator speciosissime, trahe me post te in funiculis charitatis.

16. Jesu zelator animarum, cuius delitiæ, esse cum filiis hominum, amem te ardenterissimo amore, et cætera omnia propter te.

17. Jesu panis viæ, anima mea sustinet te, ne dimitte eam jejunam, ut non deficiat in viâ.

18. Jesu Judex misericors, qui non venisti perdere quemquam, parce mihi, et responde pro me.

19. Jesu corona, et merces nostra magna nimis, jube me numerari inter electos tuos.

20. Jesu gloria mea, cupio dissolvi, et esse tecum : da mihi vivere in te, et in te mori.

## AD BEATAM VIRGINEM MARIAM.

1. Protege me, dulcissima Virgo MARIA, sub umbra alarum tuarum, et non recedat in æternum melifluum nomen tuum ab ore et corde meo.

2. Ne unquam elongeris à me, potentissima Mater Dei, quia circumdederunt me undique inimici mei,

3. Quid possum sine te, Virgo beata, aut quid fieri de me, si averteris faciem tuam à me?
4. Quando venies, dulcissima Virgo, quando apparebis indignissimo servulo tuo.
5. Spiritus tuus, ô Maria, super mel dulcis, et possessio amoris tui super aurum et topazion.
6. Sentiat anima mea suavitatem amoris tui, et in tuis semper versetur laudibus, quia unica post Deum consolatio mea tu es.
7. Compatere, Domina animæ meæ, ad te suspiranti, respice in me, et festina in adjutorium meum.
8. Da mihi gratiam tuam, ut semper de te gaudeam, et post istud exilium te contempler in gloriâ.
9. Sicut filius ad sinum matris, ita suspirat ad te anima mea, ne despicias me, Mater Misericordiae.
10. Quantum desidero videre vultum tuum, speciosissima Virgo, assume me velociter ad te, et comple desiderium meum.
11. Quis non diligit te, Regina cordium, et Mater sancti Amoris, quis non diligit te? Utinam omnes creaturæ tibi serviant, et in amore tuo vivant, ac moriantur.
12. Suscipe cor meum, dilectissima Mater mea, et offer illud purissimis manibus tuis, purissimo Filio tuo.
13. Gaudeo, et exulto, B. Virgo, quòd Deus te amet super omnia opera sua, et de hâc re super omnia delector: magisque optarem inferni pœnas, quâm ut momenti spatio quidquam de gloriâ et dignitate tuâ minuatur.
14. Sperent in te, qui neverunt nomen tuum,

gloriosa Virgo, quoniam non derelinquis sperantes in te.

15. Gloriosus vultus tuus mihi appareat in extremis, et consolatio tua lætificet egredientem spiritum meum, clementissima Mater.

## AD SANCTOS ANGELOS.

1. Angele Sancte, vitæ meæ gubernator, et custos, apprehende arma et scutum, et exurge in adjutorium mihi.

2. Custodi me sub umbrâ alarum tuarum ab insidiis inimici, et ab omni periculo, et tentatione.

3. Adesto mihi, beatissime Spiritus, doce, dirige, et protege me: cumque finis vitæ meæ advenerit, in extremâ luctâ versanti benignè succurre.

4. Septem Spiritus, qui adstatis ante Dominum: purgate, illuminate et perficite me: et dirigite omnia studia, et actiones meas ad gloriam Dei, et animæ meæ salutem.

5. Estote mihi singulare solatium in morte, Angeli Dei, potentes virtute, qui estis in vita salutare praesidium.

6. Infundite menti meæ deisicum lumen, ut absunta omni materia totus ardeam divino amore.

7. Venite in adjutorium meum, coelestis militiae exercitus innumerabiles, et defendite me ab incursu malignorum spirituum.

8. O supremi amatores Dei, succendite me illo igne, quem Dominus Jesus misit in terram, et voluit vehementer accendi.

9. Fontes sapientiae, pascite me cœlesti doctrina, et docete me scientiam Sanctorum.

10. Facite me, mentes purissimæ, docilem Dei,  
ut discam justificationes ejus, et discussis tenebris,  
divinum lumen inserite menti meæ.

## AD OMNES SANCTOS.

1. Felices Sancti, qui jam nostræ mortalitatis pelagus pertransistis, securi de vestra immarcessibili gloria, solliciti estote de mea multiplici miseria.
2. Date manus infirmo, ecclœstis patriæ Cives, et erigite jacentem, ut convalescens de infirmitate fortis efficiar in bello.
3. Eripite me de aquis multis, et de limo profundi, fusis precibus ad eum, qui dominatur potestati maris.
4. Impetrare mihi fidem, et perseverantiam, servire Domino in timore, et servare mandata ejus.
5. Clamo ad vos, potentissimi protectores salutis meæ, mittite è patria felicitatis pauculas gultas pretiosissimi vini charitatis vestræ, quia aruit sicut testa virtus mea, et defecit præ siti anima mea.
6. Subvenite mihi misero peccatori, sedentи in tenebris, et umbra mortis, et solvite vincula captitatis meæ.
7. Liberate me à tumultuantium affectionum turba, ut sedeam solitarius, et faceam, et audiam vocem Domini loquentis in silentio ad cor meum.
8. Elevate me ab hac sordida terra, ut mihi mundus crucifixus sit, et ego mundo.
9. Ad me respicite, gens illustrissima, et hæreditas summi Dei, adhuc peregrinantem in hoc exilio, et mittite de Cœlo opem et consolationem.
10. Circumdate me gaudentem, et exultantem de

vestra beatitudine, et gratiam impetrare virtutes vestras imitandi, ut vestris adjutus suffragii participes siam vestri gaudii et coronaæ.

Hæc in exemplum, plura suggesterent usus et affectus. Sunt autem quatuor capita, ac veluti fontes uberrimi, è quibus aspirationes ad omnes et singulos æterni regni proceres peti possunt. Primo quidem ex titulis honoris, dignitatis, perfectionis et diversarum virtutum, quæ in illis eluent. Secundo, ex perceptis beneficiis, pro illis gratias agendo. Tertiò, invocando illos, ut propitientur peccatis nostris, eorumque remissionem nobis obtineant. Quartò, multiplicem miseriam nostram, et innumerabiles necessitates proponendo, ut à malis omnibus erui, cunctisque bonis imbui, ipsorum meritis et precibus mereamur.

## CAPUT XVI.

ASPIRATIONES EX NOMINIBUS DEI, EJUSQUE ATTRIBUTIS, ET  
PERFECTIONIBUS.

Qui magnâ mentis adeptâ puritate ad unionem cum Deo aspirare jam digni sunt, præter affectus, quos pro perfectis suprà descripsimus, alios elicere possunt ex divinorum attributorum contemplatione. Ad hos enim pertinent Dei verba per os Prophetæ, dicentes : *Vacate, et videite quoniam ego sum Deus* (1). Vacate, inquit, ab inutilibus cogitationi-

(1) Ps., xlvi, 11.